

# QVÆSTIO MEDICA

## CARDINALITIIS DISPVATIONIBVS MANE DISCVTIENDA,

IN SCHOLIS MEDICORVM, DIE IOVIS XIII. MARTII.

M. CLAVDIO PERRAVLT, Doctore Medico, Præsidente.

*An diuturni affectus loci mutatione curantur?*

**M**ORBOS internos vt infrequentes, diuturnos quasi insanabiles, raro attingit antiquitas: illos modestia forsan hominum atque frugalitas, hos certe tales fecit opinio. Acuti enim citius non vero facilius, nec fortunâ magis aut natura fauente curantur: sed temerariâ vulgi præiudicio, ex citâ lætâque naturæ victoria, vim illius & conatum æstimantis, fit vt vbi valide obstitendo & mature cunctando restituit rem, otio torpere illa & maiore tunc artis auxilio opus habere stolidè putetur. Hinc medico morborum impetum & furorem per maiora præsidia strenue coercere valenti, parum æquam videas famam: ei vero claram æternamque gloriam & peritiæ nomen queri, qui lentam eorum segnitiam longâ superat patientiâ, & internæ ac summæ medicatrici assidens, solertiæ non magis quam tolerantia, curæ quam tædij, laboris quam temporis impendit: dum sua interim reddit partibus & humoribus temperies, *εὐπορία*, cæteraque naturalia bona, remediorum varietate, non violentiâ, vt in acutis accersenda.

**A**CVTIS morbis non tam motus celeritas quam symptomatum vehementia nomen imponit: plerumque tamen breuiiores esse solent, sicut longi minus graues: dum aut maiores concedunt inducias, aut segnius aut minore periculo grassantur; an certiore etiam salutis aut mortis prædictione? Securius saltem forte medentium, quorum cognitionem nec ita præueniunt festinatione, nec prouidentiam mutabilitate, nec remedia incommoitate partium & humorum. Nam sicut munias quasque vitæ sedes immanis acutorum ferocitas, humoribus ad facinus paratissimis adeo adoritur, vt validiora naturæ præsidia suis in arcibus statim opprimat, ita in diuturnis ignaui & tardiores succi concitantur in partes frigidas, laxas, exangues & nullâ magna officij necessitate insignes: quibus vel plurimum labefactatis raro defunt principum membrorum auxilia, quorum ex robore, quod infirmarum partium plerumque detrimento accreuit, & ipsæ vicissim habent vnde damna tandem illa reparare valeant: cui operi promouendo non ita valida, maximâ tamen & non vulgari arte administranda remedia sufficiunt: non aliter quàm fixas & rapidis turbinibus immotas moles, breuiori vecte conuellit perita manus artificis.

**V**T multis nominibus præcipites affectus ex naturâ suâ sæuiores sint, nonnulla tamen tardis accidunt quæ grauissimos illos efficiant, tolerabiles aliâ eorum labores per longum, aliquando per omne, imo etiam vltra ipsum vitæ tempus protrahendo. Adeo medici ægrotis, aut hi sibi nimis indulgentes, circumstantium ex aëris aut loci aduersa qualitate causarum conspiratione incauti non minus opprimuntur quàm intestinis malis. Cum libidinosa & intemperans mollities, quæ diuturnorum, vt durior corporis & animi labor acutorum parens est, eadem & eos alit luxurie, eadem ignauiâ fastidium auget remediorum, ac demum contemptum infert, ex lento & non aspectabili profectu, falsâque persuasione iis in morbis medentes cæcutire, quos statim non sanauerint: quasi non frequentius immedicabiles quàm ignoti affectus occurrant. Nam quid prodest crassos, inertes, crudos in partibus, frigore laxitate, ocio, aut prauo vsu infirmis, actionem lædentes humores acute cernere? Quid facit ad curationis celeritatem? Quin eò magis tunc prudens medicus à temerariâ illâ, quæ immaturum fructum excutiat, soluendumve nodum fecerit aut abrumpat, festinatione cauebit, vt studium imprimis collocet in viscerum conseruando robore, ad quod præcipue validiorum catharticonum fulmina allidunt intactis plerumque vitiosis humoribus, qui paulò leuiorum mollioribus auris præsertim ac tepidis imbris resoluuntur. Ac propterea humorum maturationem eorumque euacuationem insensibilem potissimum ac sensim promouere tentabit.

**M**AGNA in morbos omnes vis est loci quo circumfundimur, maxima in diuturnos illius cui insistimus, citra quem ambiens nullâ insigniori virtute polleat quàm calor aut frigoris, quorum cita vicissitudo de acutis quidem decernit, at diuturnorum arctis & implexis nexibus per septenos mensium aut annorum circuitus soluendis, vix-dum sufficit. Spem non adeo longam fert loci quem incolimus efficacitas quæ semper subest, aëremque non segnius afficit, qui non modo *ἀπὸ τῆς ἰσχυρῆς ῥυθμῆς*, syderum influxus locis omnibus communes, sed *ἀπὸ τῆς ἰσχυρῆς ῥυθμῆς*, expressas rerum omnium vires suscipit ab exhalationibus, quæ vnicuique regioni propriæ sunt, ob infinitam prope varietatem genij singulis peculiaris; pro ventorum afflatu, montium sylvarumque objectu diuerso, tum & aliâ atque aliâ soli, aquarum, fossilium, plantarum naturâ; quorum omnium cum vsus necessarius est, tum & expirationes assiduæ, tenuitate benignitate contrarietate, partes, humores sensim afficiendo & immutando, variam hominum indolem vt & valetudinem, præsertim vero longas ægritudines, quales sunt endemiæ, faciunt fouent: dum causam præbent fixam permanentem, nullo superuenientis calor aut frigoris auxilio, sed solâ fugâ superabilem.

**M**VTATIONEM res omnes subeunt necessitate non maiore quam voluptate. Noua sequi etiam praua, pro innata melioris, absque mutatione non assequendi, cupiditate semper iuuat, plerumque vero & prodest, præsertim miseris quos plura manent futura bona. Eam ardentibus votis, morbo diuturno impediri, sed irritis expetunt, si nullus eis adest Asclepius, nec proficit ad Thermas, frictiones, lac, chalybem, ignem, cæteraque prolignatæ valetudinis subsidia confugere, in eorum vsu perseuerare, cum mutare, *μετακινῶν* ægris tunc iuncundam iuxta & vilem sectando. Nempe per hæc omnia medicus frustra pugnat aduersus morbum, & ei se præbet *ἀντίδοτον*, si contigerit locum fauere & *ἐπανοίαν* τῷ πάθει. Non longa dies vnquam, non piger annus insitum ab ortu mundi cum nocendi animum immutabunt, & prius quam talis vincatur contumacia, ægrum constantia viresque deficient. Quid restat? Nisi causas inimicas & non insequuturas fugere, amicas sequi ægrum opperientes. Quoties enim proscipitis felix exitit exilium? Quam multis votiuræ seruitutis & electi carceris dulcedine, imperantibus medicis, per aliquod tempus carere vitæ fuit, sanitatis consequutione? Quid ita? melior corporis temperies coëtioque humorum, lento ætatis aut tempestatum progressu forsan accessura expectatur? Si longioris illorum moræ tædeat, loci mutatione obuiam ire licet.

*Ergo diuturni affectus loci mutatione curantur.*

Asserebat Lutetiæ PETRVS LEGIER Parisinus, A. R. S. H. M. DC. LXIV.